







S. VIII. 33.

55
VOTA GAMICA

Solemnitatibus Nuptialibus

Eximii, Præstantissimi, & Doctissimi

VIRI

DN. JOACHIMI KUETZII,

Cantoris Scholæ Senatoriæ

Stetinenſis fidelissimi

SPONSI

&

Pudiciſſime Lectiſſimæq;

Virginis

ANNÆ,

VIRI Clarissimi & Celeberrimi

DN. HEINRICI KIELMANNI, b. m.

ConRectoris & Græcæ Lingvæ & Poëſeos in

illuſtri Stetinenſi Pædagogio Profeſſoris, qvondam

optimè meriti relictæ Filix natu

maximæ

SPONSÆ

Sedini d. 18. Cal. Julii. Anno MDCLII.

celebratis

nuncupata

à Fautoribus & amicis.

STETINI,

Typis GEORGII GOETSCHII, Pædag. Reg. Typ.



PONSE, tibi charam Parcæ rapuere
maritam :

Supplet nunc vacuum Sponsa no-
vella locum.

Alternis vicibus sic res mutantur in orbe.
Qui prius indoluit, rursus ovare potest.
Divino nutu contingunt talia. Numen
Æternum thalamo det bona mille novo.

JACOBUS FABRICIUS, D.
Superintendens.

Confilio certè statuit sapiente Creator,
Ingentis mundi cum fabricaret opus,
Sancta quòd obscænis objecit vincula flammis
Ac sanxit socii dulcia jura thori.
Hæc volvens tecum ducis sine labe puellam,
Laudatamq; oculis, Sponse colende, tuis,
Quæ te legitimo pro jure decenter honoret,
Et te non dubiæ fœdere mentis amet.
Hac fruire, hac longos lætare maritus in annos,
Obvia sint vobis prospera, triste nihil!

CHRISTIANUS Gros/ D.

Prima

PRIMA tibi rectè cecidere, Jochime. Secundus
Jam Veneris factus, non minus esto probus.

*Sic verbo omnia vota, quæ novis Sponsis
debebat, complexus est*

JOH. MICRÆLIUS, D.

Ad Dominum Sponsum, Affinem & Ami-
cum dilectissimum.

Nosti, quod nequeam vestris me sistere tadis
Corpore, causa gravis jussit abire domo.
Mente tamen votog. pio delector adesce,
Ut paucis nostram tester amicitiam.
Hinc precor, ut vestro benedicat fautor & autor
Conjugii thalamo, prospera quoq. ferens.
Det tibi, detq. tua, det vestris ille benignè
Omne bonum, contra sit procul omne malum.

Inter varias occupationes fund.
amicâ manu & mente

D. JOACHIMUS FABRICIUS, SS.Th.
& Ebr. Ling. Profes. Ecclesiastes
& Consistorialis.

EST pater Orborum Deus, est immensus Iô vah
Non derelinquens orphanam.
Condignam Patrûm sobolem, sunt omnia Justo
Stipata Dio ex ordine,
Non absoluto, precibus pietate colentes
Numen, pia fata sentiunt;

Sic Orbam Viduus ducit, sic nubit & Orbo
Orba ea suo Thalassio.
Orbos hos olim serva Deus optime quos jam
Junxit tua Providentia,
Quærule ne Vidui Viduæ Vox amplius obster
Hæc audias Rex Cælitum.

Ex summo ac amicissimo affectu l. f.

JOAN. Suthman / U. J. D.

& Profess. Reg.

Cum Joachime tibi Kielmannia ducitur uxor:
Quæro ego num jure id nomen habere queat?
Si mihi, si quicquid constat, Kielmannus eris tu:
Est etiam tempus quando ea talis erit.
Hoc voveo interea, cum tu, cum talis & ipsa,
Fors fuerit, vobis ut bene cedat opus.

scrib.

GEORGIUS KIRSTENIUS D. & P.

Fata equidem Te Sponse gravi pressera dolore
Consortem Thalami dum rapuere tibi!
Ast nova deripiunt veterem tibi Sponse dolorem.
Gaudia, quæ præbet nunc Neonupta tibi.
Sic nos Fata regunt: nobis Phœbea resurgit
Jam Lâmpas, jam nos nubila nigra tegunt.
Hæc igitur Veneti peragis quæ sacra secundo,
Usq; sient animo, Sponse, secunda precor.

gratulabundus scribebat ad Amicissimum

PETRUS Söge / Med. D.

HEu mentis fortisq; vices! clamavimus alto
Gutturē Scēntoreisq; modis: Heliconā paratē:
Pandite, vester adest, montem: disponite chordas:
Dextra, Polymnia, sit tua tibia; buccina Cliūs:
Astra movebimus, ore citabimus optima Kurtzio.
Ut ventum ad montem, non est ibi Diva vel Augur
Cynthius; at taxi residet Libitina sub umbra,
Cujus in horrorem frondes nigrantur opacum,
Et circum terricæ quiritantur grandia Mortes.
Castali nusquam latices, Phœbeia nusquam
Flumina; sed pigra Cocythus volvitur undā
Inq; eadem refluit vada Lethe. Lucifer illic
Bubo gemit: strepit infautum Strix degener omen,
Ossa trahit segnisq; Sopor, rictuq; patente
Mœsta Fames, serusq; Pudor velatus amictu
Et Metus atq; Pavor, frendensq; immania Luctus.
Ut vidi, ut stupui! Ternū sed prima Sororum
Objicit egelidam Soerum, atq; hāc foreipe, dicit,
Mesui & ē summā truncavi fronte capillum.
Ergone sic pietas meruit nihil? ergo sub umbras
Sic temere pergunt, regeo, nil conscia fraudum
Pectora? & innocua pullus gener ibit ab urna?
Quid facerem? num læta potes me poscere? SPONSE,
Aut tua nunc nostri condirent prandia lusus?
Non magē quam fracta canter Palinurus ab alno:
Vix unū hoc dabitis, lachrymæ: Meliora tenete!

HENRICUS SCHÆVIUS, D.

AD liquidas Viadra nuper concesserat undas
Alma Venus corpus forte lavare suum.
Ecce venit subito lugubris quæstus ad aures
Illius, ut primum territa & ipsa staret,

Progrediens planctus autorem vidit, & inde,
Addubitans inquit: Fallor an his oculis
Illum conspicio, sicuti quod littora cantu
Nostra movere solet, quem toties Viadrus
Miratus, Nymphæque cui nexere corollas?
Haud erras, regeat: Tunc Dea, quos igitur
Hic edis planctus, quamnam hac inversio scenæ?
Plusne juvat gemitus, quam dare dulce melos?
Plusne placet taxo, quam frontem obnubere lauro?
Sic voluit mea fors, inquit is, ut vidui
Fata tori plorem gemebundi turturis instar;
Haud secus atque Orpheus carmine luctifono
Dulces Eurydices raptos sibi planxit amores.
Elicuit dictis & Veneri & lacrymas,
Nec mora præcipiti pede tendit ad ardua Pindi
Fuga, novemque Deas hoc animo aggreditur:
Siccine cultores vestros sine fine jubetis
Plangere, mœrori ponitis anne modum?
Cuius hic vester dudum sibi luget ademptam
Uxorem; socii cur nova pacta tori
Non reparatis ei? myrto mutabo cupressum,
Si placet, inuisam; lucida tædæ rogi
Difflabit cineres, tumulum thalamusque recondet.
Kielmannum nostis: Non etenim tacitum
Rellingvent pietas, virtus & cura Lycei,
Illius & Gnatam nostis, eam stabili

Conju-

Conjugio jungam viduo, propriamq; dicabo;
Sic horum Virtus, & genus, & pietas
Svadent. Consilium placuit, jussere sorores
Tertrina Venerem, quo acceleraret opus.
Hem dictum factum! jam jungit fœdere dextras,
Ridet Amor, gaudet frater Amoris Hymen,
Tripudiant Charites, meditatur Apollo melisma,
Et reliquæ Divæ talia vota ferunt:
Intamatus amor nostro quæ vincula nexit
Auspicio, neq; mors, neve dies dirimant.

gratulab. scrib.

M. DANIEL Schulz / Ill. Padag.
Prof. & Music.

Quid cessas, Frater, socialem ducere vitam?
Cum vetita haud unquam nupta secunda tibi.
Defunctâ Sarâ, Keturam duxit Abrâmûs:
Hoc fecit David, Rex pius atq; potens.
Perge igitur felix, cœptis his ipse secundet,
Qui sine principio, qui sine fine, Deus.

Honori & amoris ergò hæc paucula currenti
calamô adjecit Sponsi frater

ANTONIUS KÜETZIUS, Magde-
burgensis, Pastor Lobicensis.

Ceu compare orbatum videmus turturem,
Charâ ingemiscere, atq; nota in arbore,
Solum sedentem flebili mœstum tono

Cicere

Ciere carmen, comparem quo desleat,
 Nec turbidam nisi prius potare aquam;
 Te conqverentem vidimus KUEZI haut secus,
 Relata cum Proserpina in censum Tua
 Conjux fuit, sexus sui fax splendida,
 Tum non placebat Aonis juga visere,
 Nec sumere allubebat ore tum cibos,
 Insomnis atq; cuncta nox erat Tibi,
 Moriensq; tristem oriensq; Te vidit dies,
 Non passa tale, quæ Regina dicitur
 Cnidi Paphiq; mox suum gnatum jubet
 Tuo admoveere pectori novas faces,
 Is paret, extemplòq; Tu sentis novas
 Sub corde flammæ { atq; presta } vulnera
 & profunda }
 Terrere possent quæ vel ipsum Apollinem
 Podaliriumq; dexterum & Machaona.
 KIELMANNIANA sola, quæ medicam manum
 Adhiberet agro, inventa sola è tot fuit,
 Hæc reliquum, bene quod fiet, tecum exiget
 Ævum, Machaon hæc erit, certa & salus,
 Hanc ducito nunc ad tuos, Kuezi lares,
 Toriq; mille fertilis cape gaudia,

gratulabundus Dno. affini secundo Sponso,
 cum voto felicissimi in Domino ma-
 trimonii, accinuit

ELIAS FABRICIUS, Marchiacus.

ad

AD SPONSAM.

Quam spectant Nymphæ, metam nanciscere,
Sponsa,
Terminus est Sponsus, telæ castus amor.
Hunc sic icisti formâ vultuq; pudico,
Ut quantus quantus, totus amore flagret.
Saucius inde mali deposcit, Sponsa, medelam,
Usurus Medicâ Te, quia tela jadis.
Ut Tibi sit Sponsus dignum victrice brabeon:
Tu sic agroto dulce levamen eris.
Est ita par: debet conjungi sexus uterq;
Cum sit præstanti fœmina nata viro.
Cœlebs vita nihil jucundi continet in se:
Nam vivunt soli sollicitique nimis.
Id metuunt valde, ne, quævis socientur, amantes
Desint, ac furtim mellea labra premunt.
Hinc Te felicem! nupsisti Sponsa marito,
Ejus solius basia grata cupis.
Vos combinet amor, nunquam pia vincula rumpat
Adversum: dentur pignora grata tori.

Gratulabundus Ter.

JOHANNES RABEL.

Ludit alternis vicibus sub axe
Conditum quicquid voluit supremi
Numinis Virtus, varioq; gyro
Cuncta feruntur.

B

Nec

Nec ferus vultum Notus usq; tetrīs
Obtegit nimbis, neq; sæva semper
Facta cyclopum manibus rotari
fulmina cernas.

Cynthius rursus radiis & auro
Clarus horrendas sonitu feroci
Nubium, & coeli pluvia ruentis
temperat iras.

Totus hic mundus variis subinde
Motibus gaudet, vice nec sub una
Constat, hoc vasto quod ab undiqvaq;
Clauditur orbe.

Ambigis? testis nitor hic Sororum,
Quæ colunt Pindi sacra templa, sponfus
Hic erit testis, sub utraq; & ipse
Sorte volutus.

Huic prius charam truculenta falce
Sustulit sæva sociam jugalis
Mors tori, vero duo amore vincita
pectora solvens.

Rursus huic tristes thalami ruinas
Numen adductâ lateri vicissim
Integrat sponsâ, viduumq; pellunt
gaudia luctum.

Grator

Grator hæc Sponso nova corde toto
Gaudia, & si quid pia vota possunt
Hoc pium fundo penitus calenti
pectore votum.

Vivito felix Pylios per annos
Sponse cum Sponfa, Pylios per annos
Sponfa cum sponso (rata vota consent!)
Vivito felix.

G. H.

A Urea nunc pax est, nunc lætaq; laetaq; res est,
Anni nunc rident omnia, cuncta vigent.
Splendida nunc fors est, facile connubia inire,
Et *sociam sponfus* quærere posse probat.
Huic fata uxorem vivâ Virtute decoram
E molli subito surripuere toro;
Ast *hanc Trinunus sociam* compensat adeptam,
KURTZIO in amplexus dum nova Sponfa datur.
Quæ tua fors hæc? est mirabilis! Anna quod Annæ
Succedit thalamo, Sponse colende, tuo.
Vita sit & maneat vobis longæva, nec ullum
Lædat conjugii tempora vestra malum.
Fœdera conjugii non sunt sine ^{pace} ^{prole} ^{beata},
Sit felix vester non sine ^{pace} ^{prole} ^{torus}.
Annula posterior referat Tibi, Sponse, priorem
Moribus, ingenio, dexteritate, fide;
Uq; fruire diu sociâ præsentē, Jehovah,
Annula ne veniat tertia, faxit, *ave*!

RÜTGERUS KIELMANNUS, SS. Th. Stud.

B a

Ardo

AREa nonvercantis Junonis brachia piscis
 Dum curvat, pandit Flora vireta rose.
 Sic sua cum noster contrectant KÜEZIUS ulnas
 Ac Sponsam recipit, cuncta repandit Amor.
 Sit votis igitur præsto DEUS: Unicus opto
 Vir sit ut ille ANNÆ, vir ut & ANNA viro.

ita iudebat.
 ERTMANNUS BARTHOELDUS, Sedinensis.

VOTUM PRO FELICI CONJUGIO.

QUam benè conjugium felix concordia servat,
 Et quam non dubia prosperitate beat!
 Qvalis enim, nullis turbantibus aëra ventis,
 Mane novo vernus manat in arva liquor,
 Ros ubi anhelantes subtilis stillat in herbas.
 Atq; auras vario mulcet odore leves.
 Talis & Ambrosiam latè concordia fundit,
 Quam sacer æterno Nectare poscit amor.
 Vivite concordēs semper cum compare SPONSE,
 Vos regat unus amor, vos regat una fides.
 Una salus utriq; unum & commune periculum.
 Una dies vitæ, finis & una necis.
 Quod superest sacro vos Christus Numine servet,
 Firmus ut æterno tempore duret amor.
 Gratulor ergo bonum vobis Hymenza, jugali
 Et vestro thalamo, prospera cuncta precor.

Hæc paucula cognato suo honoris & amo-
 ris ergo apposuit:

JOACHIMUS Hammermeister /
 Schivelben. Neo Marchiacus.

Conjugium mortali homini gratissima res est,
 Quod rerum Dominus sanxit, idemq; fovet.

Ergo.

Ergo quod ex animo sponsam petis optime Sponse,
 Sic quoque nunc aptas, hoc tibi dulce jugum,
 Ut constans in amore sit noctesque diesque
 Altera pars cordis, sit quoque sponsa tua.
 Rebus in adversis semper sit dulce levamen,
 Ne contristentur pectora, Sponse, tua.
 Quod super est opto vobis felicia cuncta,
 Eventiant, opto vos super esse diu,
 Absit ætas, lato demit quæ gaudia lecto
 Gaudia mille vehens dulcis Et adsit æwas,
 Vivite felices, Cumæos vivite in annos.
 Exoriet vestrum lata propago thorum.

Honoris ergo áúτορ, εδίασε

Michael Copius, Schifelbenensis Neo-Marchi.

Prov. 19, 14.

DIVITIAS LARGAS PATRES MATRESQUE RELINQUUNT,
 VXORES PRÆBET FRUGIS IOVA PLÆ.

JOACHIMUS CUETSIUS,

Anagramma (Tis Smutata)

AH! IOCIUS ES MUSICUS.

SPONSUS.

AH! Quare adhuc fratris doles.
 Funus, rogamus; flebilem?
 Sis mente lata, Corculum,
 Noxiseque, luctum gaudiis:
 Vincas, mihiq; conjugis.
 Charæ loco posthac fies.
 En! est tibi patens Torus,
 Qui, prohi, dolor! turbatus est.
 Mortis Tyrannide efferat.
 I, Sponse, in hunc thalamum OCIUS,
 Et cuncta in isto pefside,
 Tu nunc reges meam Domum,
 Vivesque mecum: Tu mihi
 Eris voluptas unica,
 Animæque dimidium mea.

SPONSA.

Quam lata, Sponse, prædicas,
 Quantoque mulcet gaudio
 Pectus meum Clio tua,
 Blandam hanc loquelam proferens!!
 Mutatur, ecce, mens mea,
 Promtè tuam vocem sequar:
 Lugere posthac desinam,
 Partoque gaudio fruar:
 Es namque, novi, MUSICUS:
 Qui voce me solabitur
 Svavi, modisque dulcibus.
 AUTOR.
 Cantelis, enge! ambo: chorum.
 Jehova dirigat, precor,
 Ut Vita Voxque consonent
 Diu, atque Nestoreos dies.

B 3.

ÆQVORA

ÆQUORA fulcabat celeri *Venus* alma carinā
 Qvi comes ardenti cum face *Gnatilis* erat.
 Ad Viadri tandem venerunt ostia lata,
 Qvò cœpit cursus sistere. *Diva* suos
 Jamq; suum *Veneri* Stetinum pandere portum.
 Tentat, & alliciunt mœnia clara *Deam*.
 Qvæ simul ac sacram religavit lictore pinum,
 Præclarâ sanctum ponit in urbe pedem.
Aliger hanc sequitur *Puer*, atq; imponere flexo
 Tela parat nervo, cui *Dea* mater ait:
 Tempus adest, Nate, ut tingas tua tela veneno
 Casto, namq; Viro danda Puella pio est.
 CUERSIUS uxoris, quam Mors fera sustulit ipsi,
 Ob funus jam nunc lumina sicca refert,
 Et rursus tædas hæc ambit in urbe jugales,
 Impatiens vidui tædia ferre tori.
 Cur non jam dudum sensit tua spicula? Cur non
 Tela prius mœstum cor petière tua.
 Urbs hæc dilectas nutrit lectasq; Puellas,
 Qveis ex KIBLMANNI FILIA digna viro est.
 Qvæ virgo eximia est specie, pietateq; clara,
 Qvamq; pudicitia vincere nulla potest.
 Dixerat: At celeri voltat per inane volatu
 Virgineumq; *Deus* labitur in Thalamum,
 Lectaq; fulgenti depromit tela Pharetrâ,
 Figit & in castum spicula lenta jecur.
 Et rursus vibrans velocibus aëra pennis,
 Ad Sponsum motis venit *hinc* facibus,
 Atq; ait: Onostras toties experte sagittas,
 Hoc jam supremum non grave vulnus habe.

Suo quondam publico & bannos privato ductori & doctori
 prius, Regulus nunc iuxta etiam verba scripsit

PETRUS Brand/ Sed Pom.

Mira-

MIrabar KÜETZI, quare tibi jungier ANNAM
Velles, jam, causa quid fiet, ecce, scio.

Scilicet ut tu perpetuo memor esse potis sis
Defuncta, quoniam Nomen habebat idem.

Quin etiam multum te delectare videtur

GRATIA, quam Vox hac significare solet.

Tum redit in sese, mirum! invariabile Nomen.

Hoc, ut QUADRATUM non malè constituat.

Ejus ut inde quæas immotam discere mentem,

Quæ nullis didicit cedere firma malis.

Quæ gestit redamare sui constanter amantem,

Quæ stabiles ignes corde fovere cupit.

Vivite longævi, Pax & concordia crescat

Vos inter, repleat prole Jehova domum.

Hæc paucula in honorem Dni. sui Præceptoris
& materteræ p. m. olim mariti apposuit.

LUDOVICUS DICHMAR/ Sed. Pom.

Splendorem Phæbus communicat ipse Sorori
Phæba: dat stellis lumen uterq. suum.

Tu nobis gnatis, ceu stellis, hæcenus unus,

O Venerande Parens, Solis adinstar eras:

Quando per totum à nobis Luna absuit annum.

Sed nova Luna redit, dum nova mater adest.

Quapropter gaude, dilecta Sororcula, lumen

Sol, mihi crede, Parens & nova Luna dabunt.

Hæc chariss. suo Parenti f.

LUDOVICUS KUETZIUS.

Ergo

ERgo diem, Collega, Tuo, Venerande, dolori
 Quæ metam viduo poneret, astra ferunt?
 Et placitum tristi discrimina figere luctu,
 Quo tenus hac prescit fors peracerba torum?
 Jamq; iterum in thalamos intrat nova nupta jugales
 Svaviter & vacuum complet abunde locum?
 Sponsa, cui vultum Cytheræa, modestia mores
 Candida, cor pietas finxit amorq; Dei.
 Virgineas inter micat hæc splendore catervas
 Ut solet auricoma tincta colore rosa.
 Adde quod egregio prognata est stemmate, & illinc
 Huic Pater, hinc frater fulgidus extat honor.
 Naviget extremos mercator avarus ad Indos
 Comparet ut gemmas, quas legit Indus aquis:
 Viscera vel terræ matri, descendat in ima
 Eruat ut cupida fulva metalla manu.
 Omnia sunt vana hæc. Fortuna benignior ultro
 Exhibet, his multo quæ potiora, Tibi.
 Scilicet hæc thalami, consors pretiosior omni
 Gemma est, divitiis nobiliorq; Tagi.
 Hæc tibi sollicito & curarum pondere presso
 Svave sub adversa sorte levamen erit.
 Tantis maeste bonis! Hæc cuncti nempe potentis
 Clara pudicitæ lux tibi venit ope.
 Numen idem vestris quævis felicia tædis
 Donet in æternos non pericula dies.
 Læta lares foveat concordia, prole beetur
 Rite torus, jubeat sint rata vota Deus,

*Ita rediens ex urbe patria, ideog, serius quidem
 vero tamen affectu Collegæ suo gratulabatur*

MICHAEL SCHNELLIUS S. S. S. Baccalaur. in
 Colleg. Jagereuf. Resumtor.

F I N I S.



921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

